


BI
HORAPOLLO
ORVS...
1542




37131009549619

III

ORVS APOL
LO N I L I A -
C V S
DE
H I E R O G L Y -
P H I C I S N O -
T I S ,

A' Bernardino Trebatio Vicentino
Latinitate donatus.



L V G D V N I , A P V D S E B .
G R Y P H I V M ,

1542.

Qui gratiam libellis aucupantur, eos pumice poliunt,
purpura uestiunt, ut et si mali sint, curatura boni uidean=
tur. qui uero eodem modo debita soluunt, negligentiores
sunt. hos ego imitor. Ex his enim sum, & libellum, ut pe=
peri, nudum tibi trado. tu, si non pessime indolis uidebi=
tur, ac tollendum putabis, indui facies. sin minus, proxi=
ma foetura aliquod fortasse melius edam. Vale.

T R E B A T I V S.

C O N R A D O P V.

T I N G E R O A V G V S T A N O ,

I V R I S C O N S V L T O B E R N A R

D I N V S T R E B A T I V S

V I C E N T I -

N V S

S .



N O R V M Latinum , si modo id
sum consecutus , exhibeo tibi patrono
optime : sit enim hæc tui uerissima ap=
pellatio . nam , ut omittam dicere de ho=
minibus , patronus es Reipub . literarie ,
debet tibi omne genus scriptorum . siquidem sic omnium
es studiosus ut omnes habere uelis , conquiras undiq ; , nō =
nulli multos annos desiderati nunc demum tua opera le=
gantur . Historiarum uero series omnis per te explica=
tur , ac habet in te uiuum exemplar . Antiquitas ipsa nul=
lo magis gaudet alumno . Romani autem Cæsares quem
alium malint curatorem ? non tibi eorum gesta cognouis=
se satis , eos ipsos signatos omnes in chartis , ære , argen=
to , solidio auro demonstras . Et quod uiui non potuerunt ,
mortui adepti sunt : ut eodē tempore , et iuuenes , & senes ,
et in omni ætate quales fuerint cōspici poſſint . Sed et ipsi
Romani duces , quòd non secundò perierint , tibi acceptū
referunt , tu eorum epigrammata colligis undecunque , &
iam uetustate collapsa , dimidiata ferè , restituis , ac das ut ,
postquam in marmore nequeunt , in chartis legantur . Sed
quid ego hæc de te ad te ? alijs melius aliquando narra=
bo . Quin Græci ipsi , si quis inferis sensus , tibi bene pre=

cantur. nam cum iam desint ex eorum genere qui legāt,
 curas tu ut à Latinis legi possint: optarem uel hac causa
 patēre mihi Græcorum penetralia, ut satis tuae possem fa-
 cere uoluntati. debedo enim tibi omnia cum ob beneuolen-
 tiam, tum ob merita multa: tu mihi uiso tantum omnia a-
 micitiæ, uel antiquissimæ officia præstitisti, domo me su-
 scepisti, petenti omnia tribuisti, multa etiam ultro obtu-
 listi, idq; nullis meis in te meritis. Quod etsi in omnes iti-
 dem humanus es & liberalis, me tibi tamen plus cæteris
 debere sentio. Verum in præsenti: qui me memorē osten-
 dam, habeo nihil præter animum, & hoc quicquid est
 libelli, quem, quia non ingratum tibi fore sentiebā, trans-
 tuli maiori uoluntate, quam facultate. nam & adhuc in
 hac lingua peregrinor, & est libellus eiusmodi, ut ne à
 Græcis quidem ipsis totus legi possit. Inerunt & quæ
 fortasse nugatoria ac frigida uideantur, quæ tamen ego
 non omisi. non enim Censoris, sed interpretis fungen-
 bar officio. nec animus fuit ita religiose uertere, ut uer-
 bum uerbo redderem: quid enim ineptius? Latinis enim,
 non Græcis laboraui. Quantum autem effecerim: tu
 facilime iudicabis, & statues an eiusmodi sit opuscu-
 lum, ut ei in tua refertissima bibliotheca locus esse de-
 beat. Vale decus patriæ, ac meliora si Deus annue-
 rit, aliquando expectes. Augustæ, duodecimo Ca-
 lend. Maias, Anno M. D. xv.

ORI

ORI A P O L =

LINIS NILIACI HIERO-
GLYPHICA, PER BER-
nardinum Trebatium Vicen-
tinum, De Græcis
translata.

Quomodo Aeuum significant.



E V V M significantes Solem & Lunam describunt, eo quod sint hi Planetæ æui elementa. æuum aliter scribere uolentes Serpentem pingunt, caudam reliquo corpore tegentem. eum uocant Aegyptij Vreum, id est, Basiliscum. quo quidē aureo formato deos circundant. Aeuum autem dicūt Aegyptij per hoc animal significari, quoniā cum sint tria genera Serpentum, cætera quidem moriuntur, hoc solum est immortale. hoc & quodlibet aliud animal solo spiritu afflans, absque morsu interimit. Vnde cum uitæ & necis potestatem habere uideatur, propter hoc ipsum deorum capiti imponunt.

Quomodo Mundum.

Mundum scribere uolentes Serpentem pingunt, suam ipsius caudā deuorantem, distinctum uarijs squamis, per quas Mundi astra figurant. Et grauiſſimum quidem hoc animal est pro magnitudine, quæadmodum terra, est etiam

lubricum, & in hoc aquæ simile, ac singulo quoq; anno
pellem unà cum senio exuit. Secundū quam rationem &
in mundo annum tempus mutationē faciens iuuenescit.
Quòd uero pro cibo corpore suo utitur, significat id quæ
cunque diuina prouidentia generantur in mundo, hæc o-
mnia in eundem diminutionem pati.

Quomodo Annum.

Annum significare uolentes, Isidem, hoc est, mulierem
pingunt. hoc ipso etiā deam significant. Est autem apud
Aegyptios Isis astrum, eorū lingua Sothis nominatum,
Græcorum uero astromyon. quod & cæteris astris uide-
tur dominari, aliquādo maius, aliquādo minus apparens,
& nūc quidem clariss, secus alias. Adhuc etiā in eius or-
tu, omnia quæ proximo anno futura sunt, prouideri so-
lent. Qua ex re nō immerito annū appellarūt Isidem. Et
aliter annum describentes palmam arborem pingunt, eo
quòd hæc sola præter aliarum naturam ad Lunæ ortum
ramum unum emitit. Ita ut in duodecim ramis annus in-
teger perficiatur.

Quomodo Mensem.

Mensem scribentes ramū pingunt, aut Lunam inuer-
sam. Ramum quidē ob eā, quæ in palma arbore dicta est
causa. Inuersam uero Lunā, quoniā, ut dicunt, cū statim
oritur, quindecim restant partes, ad hoc ut cornibus in
superiorem partem diductis appareat. Cum uero occul-
tatur, triginta dierum expleto numero in partem inferio-
rem cornua declinat.

Quomodo Annum insequentem.

Annum insequentem significātes, quartam partē arui
describ

describunt. Est autē aruum mensura terrae cubitorum centū. Volentes autē annum dicere, quartum dicūt: quoniam, ut perhibet, ab ortu astri, quod Sothidem uocat, ad alium ortum interest diei pars quarta. Et esse annum solis dierum trecentorum, & quinq; supra sexaginta. Vnde quarto quoq; anno diem superfluum Aegyptijs adnumerant: quater enim pars quarta diem complet.

Quid significant Scribentes Aquilam.

Cum uolunt deum significare, aut altitudinē, aut depressionē, aut excellentiā, aut sanguinem, aut uictoriam, Aquilam pingūt. Deum quidē, eo quod sit avis hæc fœcunda & lōgæua. Et ad hoc quod uidetur simulachrum esse Solis, cū præter cæterorū uolatilium naturā intentos oculos teneat in radios solares. Vnde & Medici in oculorū medelā herba ab Aquila dicta utuntur: & solem tanquam dominū uisus, aliquādo Aquilæ forma depingūt.

Altitudinē, quoniā cætera quidē uolatilia, cum uelint in altum ascendere, oblique ferūtur, cū non possint in directum uolare: sola autem Aquila in altum recta fertur. Depressionem, quoniā eodem modo cæteræ aues obliquæ ad terrā ferūtur. Aquila sola recta descendit. Excellentiam, quoniā Aquila cæteris uolatilibus præstare uidetur.

Sanguinem, quoniā, ut dicūt, Aquila nō aquā, sed sanguinem bibt. Victoriam, quoniam uidetur reliquas aues omnes superare. si cui enim congressa uinci se sentiat, resupinat se, ac dirigit ungues: alas ac dorsum ad terram uersa: atq; hoc modo pugnat. uero inimica, cum hoc facere nequeat, facile in fugam uertitur.

Quomodo indicant Animam.

Et pro anima Aquila ponitur, ex nominis interpretatione. Vocatur enim apud Aegyptios anima Baieth. hoc autem nomine diuisum, animam significat & cor. est enim bai anima, eth uero cor. Cor uero apud Aegyptios est ambitus animæ. unde nomine ipsum sonat, quasi cordata anima. Quia ex re Aquila eiusdem naturæ cum anima, ut plurimū aquā nō bibit, sed sanguinē: quo et anima nutritur.

Quomodo Martem & Venerem.

Martem & Venerem scribētes duas aquilas pingunt. marem, quē Marti cōparant: & fœminā, quā Veneri. Et hoc ideo quia reliqua animalia nō semper mari ad omnē mīstionē parere uolunt, Aquila uerò semper. Ter decies enim in die compressa postquam surrexerit, si mas uocet, denuo accurrit. quapropter cum maxime sit in Venerē pro na, Aegyptijs eā Venerē uocant. Et propter hoc etiā Aquilam soli dicarunt, quia Solem imitata terdenum numerum coēundo complet. Aliter Martem & Venerem scribentes, geminas cornices pingunt, marem & fœminam. quoniam hoc animal duo oua parit: ex quibus mare & fœminam generari oportet. Si autem eueniat, quod raro euenit, ut duo mares generentur, aut duæ fœminæ, iugati mares cum fœminis alteri cornici non admiscetur. Itidem neq; fœmina alteri mari, uerum dissociati soli degunt. Ideò unicæ Cornici occurrētes augurantur futurum, ut uiduali uita sibi uiuendum sit.

Quomodo Nuptias.

Cum nuptias significare uolunt, geminas cornices pingunt, ob eam, quæ suprà dicta est, causam.

Quomod

Quomodo Vnigenitum.

Vnigenitum significantes, aut generationem, aut patrem, aut mundum, aut hominem, Scarabeum pingunt.

Vnigenitum quidem, quoniam per se generatur hoc animal non conceptum à fœmina. huius enim solius generatio talis est: Cum libuit mari procreare, excremento bouis inuento, ex eo pilulam conficit rotundam, ad cœli similitudinem. quam innixus tergo rotat ab ortu occasum uersus, ad orientem Solem ipse respiciens, quoad rotunda effecta mundi formam acceperit. Sol enim ab oriente in occidentem fertur: iterum rediens in orientem. Contrario uero motu fertur astrorum cursus ab occidente in orientem. Hanc igitur pilulam defodiens relinquit octo & uiginti dies. tot enim diebus Luna duodecim signa, quæ sunt in Zodiaco, metitur. & sub ea perficitur animatum Scarabeorum genus. nono autem & uigesimo die pilulam aperiens in aquam proiicit: hoc enim die putat conjunctionem fieri Solis & Lunæ, & mundi insuper generationem: qua aperta in aqua animalia prodeunt, quæ sunt Scarabei. Generationem, propter eam quæ dicta est causa. Patrem, quoniam à solo patre ortum habet Scarabeus. Mundum, quoniam similem figuram generationis habet cum mundo. Hominem autem, quoniam in ea specie fœmina non inuenitur. Sunt autem Scarabeorum tres formæ. Prima feliforma & lucida, quam ob similitudinem Soli dicarunt. ferunt enim marem felem oculorum pupillas uariare ad cursum Solis. Oblongæ enim fiunt mane ad ortum Solis, rotundæ deueniunt circa meridiem, obscurantur autem occidente sole. Vnde &

a s in

in urbe Solis Dei statua est feliforma. Et habet Scarabeus digitulos triginta, ob triginta dies mensis, in quibus Sol oriens suum perficit cursum. Secundum genus bicorne & tauriforme est, & Lunæ consecratum: à quo & in cælo taurum ascendentem Lunæ esse uolunt Aegyptij. Tertia species habet unum cornu tantum, & propriam formam: quam Mercurio dicatam putauerunt. Sicut & Ibis avis esse dicitur.

Vulturem Scribentes quid significant.

Matrem scribentes, aut uisum: aut terminum: aut præcognitionem: aut annum: aut misericordiam: aut Palladem: aut Iunonem: aut duas dragmas, Vulturem pingunt.

Matrem quidem, quoniam in hoc avium genere mas non inuenitur. eorum uero generatio fit hoc modo: Cum uult concipere Vultur, genitale uas ad Boream aperit: et sic perstat diebus quinque, in quibus neque edit, neque babit. & hoc modo foetum concipit. sunt & alia genera Vulturum, quæ non ad uentum concipiunt: quorum generatio ouorum ad cibum, non etiam ad foetum procreandum utilis est. Visum, quoniam inter cætera animalia acutius prospicit. in ortu enim Solis ad occasum respiciens, & in occasu ad ortum, ex longo interuallo prospicit quod edat. Terminum, quoniam futuro bello, locum terminat septem diebus præueniens. Præcognitionem, ob dictam causam. & quoniam ad eam partem respicit, in qua altera pars inferior futura est, inhibans occidendum maiori parti. Vnde solebant antiqui reges speculatores mittere, qui renuntiarent, quam in partem uersi resipicer

spicerent vultures. Annum, quoniam trecentos sexaginta quinque dies, quibus perficitur annus: diuidit haec avis hoc modo: Centum et uiginti dies in terra manet, nec se unquam homo tollit: pullorum curam gerens, eosque nutriendis ducentos et quadraginta seipsum curat, neque nutriendis, neque concipiens. tantum modo ad aliam conceptionem se preparans. quinque reliquos dies, ut dictum est, in coepiendo consumit. Misericordiam, quod per absurdum fortasse uideatur, cum animalium nulli hoc animal pareat, tamen ob hanc causam ita posuerunt, quoniam totis diebus centum, quos enutriendis pullis imparit, ferè nunquam euolat. ac si quando cibus, quo foetus enutriat defit: ne fame coepiantur uulnerato sibi foemore, sanguinem fugendum praebet. Palladem et Iunonem, quoniam uidetur Aegyptijs Pallas quidem superius celi hemisphaeriu sibi uendicasse, Iuno uero inferius. Unde et absurdum putant cælum masculino genere notari: cum generatio Solis et Lunæ, et reliquorum syderum foemineo opere perficiatur. Et Vulturum genus, ut dictum est, est tantum foemininum. ob quam causam huius sexus cæteris aliis Vulturem regem adscribunt: quo quidem Vulture, ne in longum protrahatur sermo, quan cunque deam designant. Matrem insuper significare uolentes Vulturem pingunt. est enim mater foeminei sexus. Duas autem dragmas picto Vulture notant, quoniam apud Aegyptios unitas sunt duæ dragmæ. Unitas autem principium est omnis numeri. non immerito igitur duas dragmas significare uolentes Vulturem scribunt, cum et mater et principium, quemadmodum unitas

unitas esse uideatur.

**Quid Astrum scribentes,
significant.**

Deum significantes, aut fatum, aut quinquerarium numerum, astrum pingunt. Deum quidem, quoniam diuin a prouidentia omnis stellarum, ac totius mundi motus conficitur. uidetur enim sine Deo nihil penitus posse consistere. Fatum, quoniam constat ipsum ex stellarum motu. Quinquerarium uero numerum, quoniam cum sint plura in cælo astra, ex eis quinque sola mota, totius mundi dispensationem conficiunt.

**Cynocephalum scribentes quid
significant.**

Lunam uolentes significare, aut orbem terrarum, aut literas, aut iram, aut natationem, Cynocephalum pingunt. Lunam quidem, quoniam hoc animal uarie afficitur ad cursum Lunæ. quando enim Luna Soli iuncta non apparet, tunc mas Cynocephalus neque uidet, neque comedit. tristis est autem, oculos in terram deiectus, tanquam Lunæ raptum lamentetur. Fœmina uero, praeter quam quod nō uidet, & eodem modo quo mas afficitur, fluxum sanguinis emittit ex naturalibus. Vnde in sacris & in hæc usque tempora nutriunt Cynocephalos, ut per eos pateat Solis & Lunæ coniunctio. Orbem terrarum, quoniam dicunt duo & septuaginta esse climata mundi, hos autem diligenter nutritos in sacris ac curatos non mori, quemadmodum cætera animalia, uno die, uerum singulo quoque die partem earum defunctam se peliri à sacerdotibus, reliquo corpore adhuc pristinam nat

naturam retinente. & sic deinceps fieri usque ad secundum supra septuagesimum diem, & tunc denique totum mori. Literas, quoniam innatae sunt literæ Cynocephalis Apud Aegyptios. Vnde cum primum aduectus est in templum Cynocephalus, apponit ei sacerdos tabellam, stylum ac atramentum: periculum faciens an sit ex genere à literis non abhorrente, & inscribit. Iram, quoniam animal hoc supra cætera animalia iracundum est.

Natationem uero, & quoniam reliqua animalia, si natationem, frequentent, sordida ac squallida fiunt: solus Cynocephalus quo uult enatat, nullis unquam fœdatus sordibus.

Quomodo nouam Lunam significant.

Nouam Lunam scribere uolentes, iterum Cynocephalum pingunt, stantem, & pedes anteriores in cælum tollentem, habentemque regale signum in capite. hac figura scribunt Cynocephalum, cum noua Luna appareat, tanquam Deo gratias agat, quod Luna præterueta Sol, luceat & ipsa, nec lumen Solis impeditat.

Quomodo æquinoctia significant.

Aequinoctia, quæ bis in anno contingunt, significare uolentes, Cynocephalum sedētem pingunt. hic enim tempore æquinoctij per singulam horam duo decies in die mingit, hoc idem facit & noctu. Quia ex re non sine ratione in hydrologijs Cynocephalum sculpunt Aegyptijs, & ex membro faciunt aquam defluere. quoniam, ut antè dictum est, duodecim horas mingendo significat: ne autem

foram

foramen per quod exit aqua in horologium, latius sit aut angustius (utrumque enim rationem horarum impediret) extrema ipsius depilata cauda ad huius crassitudinem, ferream fistulam in hunc usum parant. atque hoc placuit eis sic facere non sine ratione, quemadmodum nec in alijs rebus. & quia etiam in æquinoctijs solus ex omnibus animalibus duodecies latrat in die per singulas horas.

Quomodo animum, iram, aut furorem significant.

Animum, Iram, aut Furorem significare uolentes, Leonem pingunt. caput magnum habet hoc animal, & oculorum pupillas ignitas. corpus rotundum, & pilos radijs similes ad imitationem Solis. Vnde et sub solio Solis Leonem pingunt, demonstrantes ipsius ad Solem similitudinem.

Quomodo Fortitudinem.

Fortitudinem significantes, Leonis anterioris partes describunt, eo quod haec membra latiora habeat reliquo corpore.

Quomodo Vigilantem.

Vigilantem aut custodem scribentes, caput Leonis pingunt. quoniam Leo, cum uigilat, habet oculos clausos. cum uero dormit, tenet reseratos: quod quidem uigilæ signum est. Vnde non immerito ad sacrorum claustra apponunt Leones tanquam custodes.

Quomodo Formidolosum hominem.

Formidolosum significantes, eodem utuntur signo: cum sit hoc animal inter cetera fortissimum, omnibus occurrentis timorem incutit.

Quom

Quomodo Nili inundationem.

Nili inundationes significantes (uocant autem Nilum Num, quod lingua nostra idem est quod nouum) aliquando Leonem pingunt, aliquando tres hydrias. Leonem quidem, quoniam cum Sol intrat Leonem, maximas inundationes facit. Tres uero hydrias & neque plures, neque pauciores, quoniam triplex causa inundationis assignatur. Una quidem ipsa Aegyptia terra, quæ aquam ex se generat. altera oceanum. refluit enim oceanum inundationis tempore per Nilum. Tertia causa sunt Imbres, qui plurimi sunt per tempus inundationis ad partes Australes Aethiopie. Quod autem Aegyptus aquam generet, potest hoc modo cognosci: in cæteris enim climatibus mundi inundationes fiunt hyemali tempore ob continuos & immodicos imbres, sola autem Aegyptus media in orbe terrarum, quemadmodum in oculo pupilla, estate gignit sibi Nili inundationes.

Quomodo Aegyptum scribunt.

Aegyptum scribentes, acerram ardenter pingunt, et desuper cor, indicantes quod quemadmodum cor Zelotypi continue uritur, sic & Aegyptus ob caliditatem continue, quæ illic sunt animalia, procreat.

Quomodo Hominem non peregre proficiscentem.

Hominem non peregre proficiscentem significantes caput Afini pingunt: quoniam neque historias audit, neque eos qui peregrinati sunt, sentit.

Quom

Quomodo Tutelam.

Tutelam scribentes, duo hominum capita pingunt, maris unum intro aspiciens, alterum fœminæ, extra. sic enim dicunt nullum dæmonem posse inuadere, quoniam & sine literis, duobus capitibus scipso custodiunt.

Quomodo Embryonem, id est, imperfectum hominem.

Embryonem significatēs, Ranam pingunt, quoniam huius generatio ex fluminis limo perficitur. Vnde est uiderē interdum semiperfectam Ranam, ex parte quidem animal, ex alia uero parte terrestre quiddā: ita ut flumine deficiente, deficiat & ipsa.

Quomodo Orationem.

Orationem scribentes linguam pingunt, & uulneratum oculum: primas partes sermonis linguae dantes, secundas oculis. sic enim perfectæ animæ oratio consistit cum ad ipsius motum conformatur. Aliter orationem significantes linguam pingunt, & subter, manum: orationis primas attribuere uisi linguae, secundas uero manu, tanquam linguae uolita perficieni.

Quomodo Taciturnitatem.

Taciturnitatem significantes, numerum scribunt, M. L X X X X V. qui numerus est annorum trium, constituto anno ex diebus C C L X V. Intra quod tempus cum non loquatur infans, significatur, & si linguam habuerit, illi tamen uocem defuisse.

Quomodo Patens quid.

Patens quid significare uolentes, Leporem pingunt: habet enim oculos hoc animal semper apertos.

Quom

**Quomodo Vocem
remotam.**

Vocem remotam significare uolētes, quæ apud Aegyptios uocatur uæe, uocē aëris scribunt, id est, tonitruum: quo neq; grauius quicquam sonat, neq; uehementius.

Quomodo Voluptatem.

Voluptatem significantes x vi. numerū scribunt: hinc enim incipiunt homines Veneri indulgere & generare.

Quomodo Coitum.

Coitum significantes numerum x vi. scribunt geminatum. quia enim filij sunt ex uoluptatibus, Coitus uero ex geminis uoluptatibus maris scilicet & fœminæ, propter hoc secundum numerum x vi. adiungunt.

Quomodo Antiquam stirpem.

Antiquam stirpem significare uolentes, papyrorum fasciculum pingunt. per hoc significantes primos cibos. cibi enim aut nationis nullus principium inuenierit.

Quomodo Gustum.

Gustum significare uolentes gutturis principium pingunt. omnis enim gustus ad hoc usq; seruatur. dico autem perfectum gustum. Gustum uero imperfectum cum uolunt significare, linguam in dentibus pingunt. his enim omnis gustus perficitur.

Quomodo Animam diu in uitâ durantem.

Animam diu durantem, aut Inundationem scribere uolentes, Phœnicem auem pingunt. Animam quidem, quoniam præ cæteris animalibus longissima est huic uita. Inundationem uero, quoniam signum est Solis Phœnix:

quo nihil in toto mundo maius est : ad omnes enim ascen-
dit, omnes perscrutatur Sol.

Quomodo eum, qui sero à peregrinatione redeat.

Eum qui sero à peregrinatione redeat cum scribere
uolunt, rursus Phœnicem auem pingunt. hæc enim post
quingentesimum annum, cum iam est morti propinqua,
in Aegyptum remeat, ac si præueniat ante obitum cu-
ratur mystice ab Aegyptijs, & quæcunque alijs sacris
animalibus tribuunt, hæc & Phœnici omnia debentur.
gaudet enim Sole maxime Phœnix, in Aegypto præci-
pue, utpote illic uehementi. Vnde & illius calore dicunt
inundare Nilum.

Quomodo Cor.

Cor cum uolunt indicare, Ibidem pingunt. est enim
hoc animal Mercurio dicatum, omnis cordis & rationis
domino. & Ibis ipsa maius quam pro magnitudine cor-
poris cor habet. de qua sermo est plurimus apud Ae-
gyptios.

Quomodo Peritiam.

Peritiam indicat̄es cælum pingunt rore pluens, quo-
niā quemadmodum ros in omneis plantas decidēs mol-
lit eas, quæ habent huiuscemodi naturā, ut molliri queāt,
alias uero nequaquam, quæ suapte natura duræ sunt: sic
& peritia omnibus hominibus se præbet: ac eam inge-
niosi tanquam rorem imbibunt, obtusi uero hoc facere
non possunt.

Quom

Quomodo Aegyptiacas literas.

Aegyptiacas literas scribentes, aut sacrum scriptorem, aut finem, atramentum & cibrum & iuncum pingunt. Literas quidem, eo quia omnia apud Aegyptios scripta his perficiuntur. Iunco enim scribunt, non alia re. Appingunt autem cibrum, quoniam hoc prium instrumentum ad conficiendum panem ex iunco fit. Indicant enim omnem qui uictum habeat, literis operam daturum. qui uero non habeat, diuersae arti uacaturum. Vnde apud ipsos peritia sibi uocatur, quod interpretatur cibi plenum. Sacerdotem, siue sacrum scriptorem, quoniam hic necem & uitam dijudicat. est enim apud sacerdotes liber, qui uocatur sacra ambris, per quem indicant de ægroto, uicturus sit an moriturus. Finem autem, quoniam qui literas didicit, tranquillum uitæ cursum asscutus est, liberatus omnibus humanæ uitæ calamitatibus.

Quomodo iterum Sacrum Scribam.

Scribam iterum significare uolentes, aut Prophetam, aut splenem, aut odoratum, aut risum, aut sternutationem, canem pingunt. Scribam quidem, quoniam cum qui debeat esse perfectus scriba, oportet multa meditari, adlatrare omnes quodammodo, agrestem esse, nemini gratificari: quemadmodum nec canes. Prophetam, quoniam præ cæteris animalibus admiratur canis, & ob tutu firmo intuetur simulacra deorum, quemadmodum Prophetam. Splenem, quoniam leuissimum splenem,

*Canis habet. & ex eo mors est illi & rabies aliquando.
Et ministri canem curantes, cum est moriturus, ut plurimum splenetici fiunt. Odoratum uero, risum & sternutationē, quoniam qui planè sunt splenetici, neq; odo rare, neq; ridere, neq; sternutare possunt.*

Quomodo Hominem, qui sit magistratus.

Magistratum scribentes, iterum canem pingunt. cui addunt regiam stolam nudæ figuræ appositam. quoniam quemadmodum canis, ut antè dictum est, in deorum simulacra intentis oculis prospicit: sic & magistratus antiquis temporibus in nudum regem prospiciebant. cuius gratia uendicant sibi regiam stolam.

Quomodo Sacrum pallium ferentem,

Sacrum pallium ferentem cum uolunt significare, dominus custodem pingūt, eo quod custodiatur ab illo palliū, quemadmodum à custode domus.

Quomodo Horoscopum, id est, eum qui computat Horas,

Horoscopum significare uolentes, hominem pingunt, horas comedentem: non quod horas comedat homo, hoc enim impossibile est: sed quod in horas homines cibum parent.

Quomodo Ignorantiam.

Ignorantium scribentes ignem & aquam pingunt, eo quod his duobus elementis omnis corruptio fiat.

Quom

**Quomodo Scelestum hominem
aut odium.**

Scelestum autem & odium significantes, pīscem pingunt, eo quod huius usus execretur & interdicatur in sacris. destruit enim quodcunq; reperit omnis pīscis, nec suo quidem generi parcit.

Quomodo Os.

Os scribentes Anguem pingunt. Anguis enim nullo alio membro pollet præterquam ore.

**Quomodo uirum Fortem, &
temperatum.**

Virum fortem eundemque temperatum significare uolentes, taurum integræ ualeitudinis pingunt: habet enim hoc animal membrum calidissimum, adeò ut uaccæ iunctus sine ullo motu semen emittat. Quod si quando à naturali loco deuiet, & in aliam corporis partem membrum intendat, uulnerat uaccam præpotenti illius intentione. sed & temperans est. nam post conceptum uaccæ nunquam cum illa coit.

Quomodo Auditum.

Auditum scribentes, tauri auriculam pingunt. bos enim postquam concipere appetit (appetit autem nō longiori tempore quam tribus horis) tunc mugit quam maxime potest. in quibus si non taurus adcurrat, naturam claudi usq; ad aliud determinatum tempus. hoc autem raro accidit. audit enim taurus etiam si longius absit: & intelligens eam appetere accurrit ad coitum, faciens hoc solus ex cæteris animalibus.

Quomodo Fœcundum penem.

Penem fœcundum significantes hircum pingunt: non autem taurum. nam hic post annum integrum tantum coire incipit. Hircus uero post septimum diem ab ortu coit. & quanquam inualidum & sterile semen emittit, coit tamen citius cæteris animalibus.

Quomodo Peccatum.

Peccatum significantes, Orygem animal pingunt. quoniam apparente Luna, si ad eam respiciat clangorem emittit, neque adorans eam, neque benedicens. huius autem rei signum manifestissimum est. prioribus enim pedibus effodiens terram, caput abscondit, tanquam ægre ferat, ac nolit aspicere Lunæ ortum. hoc idem facit oriente Sole. Quamobrem antiqui reges horoscopo ortum sibi nuntiante, animali huic assidentes, per hoc medium tanquam gnomonem quandam exacte de ortu perquirebant. Et sacerdotes hunc solum ex uelatilibus comedunt: quoniam inimicitiam quandam indeam exercere uidetur. nam si in solitudine aliqua natus sit fontem, postquam biberit, aquam turbat, ac puluerem, aut lutum pedibus immittit. Et hoc facit ea de causa, ut inutilis fiat aqua cæteris animalibus. adeo scelestæ & odiosa putatur Orygis natura. hoc enim impie facit, cum ipsa dea omnia generet, omnia nobis quæ toto mundo utilia adaugeat.

Quomodo Interitum.

Interitum significantes Murem pingunt. hic enim omnia degustans coinquinat, ac inutilia reddit. eodem si gno

gno utuntur, cum iudicium significare uolūt. pane enim multo ac diuersi generis simul posito, optimum quenque seligens comedit. Vnde et optimi panis iudicium in Mūribus esse putatur.

Quomodo Impudentiam.

Impudentiam significantes, Muscam pingunt. ea nanq; abacta continue nihilominus redit.

Quomodo Notitiam.

Notitiam cum uolunt significare, Formicam pingunt. nouit enim hæc tutas sibi parare latebras. ad hæc, præter morem cæterorum animalium in hyemem sibi cibum pārans nō deuiat à suis latebris, uerū rectā ad ipsas pergit.

Quomodo Filium.

Filium scribere uolentes, Chinalopiam pingunt. est enim hoc animal maxime pullorum amans. Et si quando insequatur se uenator, et una pullos, spōte uenatoris præda fit, si modo possit sic faciens seruare pullos. quam ob causam uisum est Aegyptijs id animal filio comparare.

Quomodo Dementem.

Pelicanum auem marinam pingentes, dementem significant. hæc enim avis cum possit in altioribus locis, quē= admodum cætera uolatilia, deponere, hoc non facit: ue- rum humo defossa in scrobe oua parit. Quod scientes aucupes locum bouis stercore circunlinunt, ac ignem supponunt. Pelicanus autem uiso fumo, uolens suis alis ignem extinguere, nō modo nō extinguit, sed potius illa rum uētilatione exfuscat. Vnde combustis alis, facile fit aucupū præda. quā ob rem cum filiorū causa periclite=tur, nefas est sacerdotes uesci Pelicano. Ex Aegyptijs,

tamen multi comedunt, putantes illum non iudicio, ue-
rum natura & in filios pietate subire discrimen.

Quomodo Gratitudinem.

Gratitudinem scribentes, Cucupham auem pingunt. so-
la enim hæc cæterorum animalium parentibus iam senio-
confectis gratiam refert. in quo enim loco ab eis nutrita
est, in eo loco nidū illis conficit, ac pennas uellit, cibumq;
sufficit, quousq; renatis pennis perse ipsos iam parentes
cibum parare possunt: unde diuina sceptræ Cucupha
insigniunt.

Quomodo Iniustum, & Ingratum.

Iniustum & ingratum significantes, unguis gemi-
nos Hippopotami curuatos pingunt. hic enim cum ado-
leuerit, periculum facit, an iam patre fortior euaserit. &
si quidem pater cedit, locum illi impartitur ac permittit
uiuere. pro patre uero matris connubia appetit. si uero
non assentiatur pater eum coire cū matre, interimit ipse
patrem, iam superior uiribus. sic enim scribunt geminos
Hippopotami unguis curuatos admodum: quod cum ho-
mines uident, & qua ratione id facit cognoscunt, pro-
niores fuit ad beneficia conferenda.

Quomodo iterum Ingratos er- ga promeritos.

Ingratos erga promeritos significantes, columbam
pingunt. mas enim ualētior factus, patrem suum expellit,
ac ipse cum matre coit. purū autē hoc animal esse uide-
tur. etenim orta peste, & hac infectis omnibus soli co-
lumbas edentes illæsi perdurant. Quam ob causam ta-
li tempore nihil aliud regi in prandio præter columbas
appon-

apponunt. hoc idem contingere dicunt deorum ministris.
scribitur etiam bilem hoc animal non habere.

Quomodo Impossibile.

Rem quæ fieri nequeat significantes, hominis pedes
scribunt deambulantes in aqua. Aliter, hominem deam=
bulantem sine capite. impossibile utrunque. unde non
absque ratione id in eum usum assumunt.

Quomodo Regem pessimum.

Regem pessimum significantes, Anguem pingunt ad
mundi figuram. cuius extremam caudam ori coniungunt.
nomen uero regis ponunt im media plicatione: putantes
per id intelligi dare regem totius dominum. nomen au=
tem Anguis est apud Aegyptios Mesi.

Quomodo Regem custodem.

Aliter regem custodem significantes, Anguem qui= dem pingunt uigilantem. uerum pro regis nomine custo= dem ponunt. hic enim custos est totius mundi. oportet au tem regem præcipue esse uigilantem.

Quomodo Regem uictorem.

Regem mundi domitorem significantes, adhuc An= guem pingunt: & in medio ipsius maximam domum.

Quomodo Populum regi obsequentem.

Populum regi obsequentem significantes, Apes pin= gunt. solum enim hoc ex animalibus regem habet, quem reliqua apium multitudo cōsequitur, ac illi paret, quem admodum regi homines.

Quomodo Regem in parte dominantem.

Regem non totius dominum, uerum in parte dominantem significare uolentes, dimidiatum serpentem pingunt. per animal regem significantes. Quod uero dimidiatum pinxerint, non totius imperatorem intelligi dant.

Quomodo Omnium uictorem.

Omnium uictorem cum uolunt significare, adhuc integrum serpentem pingunt.

Quomodo Fullonem.

Fullonem scribentes, geminos hominis pedes in aqua pingunt. hoc enim à Mercurij similitudine indicant.

Quomodo Rapacem, aut Fœcundum, aut Insanum.

Rapacem, aut fœcundum, aut insanum significare uolentes Crocodilum pingunt. est enim fœcundum animal Crocodilus. & si quando à petita rapina prohibeatur, in seipsum iratus furit.

Quomodo Ortum.

Ortum significantes geminos oculos Crocodili pingunt. huius enim oculi maxime lucent.

Quomodo Occasum.

Occasum indicantes, Crocodilum inclinatum pingunt. est enim hoc animal rotundum, & promiscue parit.

Quomodo adumbrant Tenebras.

Tenebras indicantes caudam Crocodili pingunt. non enim prius uincit, & ad internacionem redigit animal quod petit, quam cauda uerberatum impotes reddiderit.

in

in hoc enim præcipue membro est fortitudo Crocodilo.
cum sint autem alia signa in Crocodili natura, hæc in
primo libro dicta difficiant.

ORI APOLLINIS

N I L I A C I D E N O T I S

HIEROGLYPHICIS LI-

ber Secundus, Bernardino
Trebatio Vicentino
interprete.



N secundo tractatu reliquorum tibi ueram rationem tradam. quæ autem nec in alijs exemplaribus ullam habent rationem, ea primum subiunxi.

Quid significant cùm Stellam scribunt.

Stellam scribentes aliquando deum significant: aliquando noctem, aliquando tempus, aliquando animam hominis masculi.

Quid cùm Pedes hominis pares & firmatos.

Hominis pedes pares & firmati Solis cursum significant in hyemali tropico.

Quid cùm Hominis cor, gutturi appensum.

Cor hominis gutturi appensum, boni uiri buccam designat.

Quid,

Quid, cùm Digitum scribunt.

Hominis stomachum significat digitus.

**Quid cum Penem manu
compressum?**

Penis manu compressus, hominis temperantiam significat.

Quomodo Morbum significant.

Papaveris flores hominis morbum significant.

Quomodo Ille hominis.

Ile hominis cum uolunt significare, os pingunt, quod spinam dicunt. putant enim aliqui, sperma inde ferri.

**Quomodo Firmitudinem,
& Securitatem.**

Coturnicis os pictum, firmitudinem & securitatem significat. etenim non temere patitur huius animalis os.

Quomodo Concordiam.

Duo homines insignia magistratus induti, concordiam significant.

Quomodo Turbationem.

Armatus uir, & sagittans, turbationem significat.

Quomodo Commensurationem.

Hominis digitus, commensurationem notat.

**Quomodo Desponsatam
mulierem.**

Corpus solare bipartitum cum astro, desponsatam mulierem designat.

Quomodo Ventos.

Elevata Aquila in ortum tendens, uentos significat.

Aliter,

Aliter, in aëre Aquila alas extendens, uentos notat.

Quomodo Ignem.

Fumus in cælum ascendens, ignem designat.

Quomodo Opus.

Maris cornu pictum, opus significat.

Quomodo Ultionem.

Fœminæ uero cornu pictum, ultionem significat.

Quomodo Impium.

Imago dimidiata tantum umbilico tenus hominem ostendens, cum gladio, impium significat.

Quomodo Ver.

Equus fluialis, Ver significat.

Quomodo Longæuum.

Longæuum significantes, Ceruum pingunt, singulo quoque anno cornua germinat ceruus.

Quomodo Auersionem.

Lepus aut canis auersus, auersionem.

Quomodo Cædem, aut Sanguinem.

Crocodili uestra uolans, Crocodili nocuum sanguinem significat, aut cædem.

Quomodo Mortem.

Nycticorax mortem significat. noctu enim de improviso agreditur pullos, quemadmodum de improviso mors superuenit.

Quomodo Amorem.

Laqueus amorem significat.

Quomodo antiquissimum.

Orationes, follia, & signatus liber, antiquissimum designat.

Quom

Quomodo Obsidionem.

Scala, obsidionem significat ob acclivitatem.

**Quomodo Rudem, aut Musam,
aut Parcam.**

*Septem elementa in duobus digitis contenta, musam,
aut rudem, aut parcam significant.*

**Quid Linea linea superimpo-
sita significet.**

*Linea linea superimposita, lineas decem planas si-
gnificat.*

**Quid significant Hirundi-
nem pingentes.**

*Patrimonium magnum relictum filijs significare uo-
lentes, hirundinem pingunt. hæc enim moritura seipsam
in luto peruoluit, ac pulis latebras parat.*

Quid significet Columba nigra.

*Mulierem uiduam, & sic permanentem usque ad mor-
tem cum uolunt significare, columbam nigram pingunt.
hæc enim post maris interitum semper sola degit.*

Quid significet Ichneumon.

*Virum debilem, & qui aliorum auxilio egeat, signifi-
care uolentes, Ichneumonem pingunt. hic enim si an-
guem inimicum uideat, non statim aggreditur, sed prius
uocatis alijs ex sua specie, sic firmior præsidio, angui-
fit obuiam.*

Quid significant Origano.

*Formicarum defectum cum uolunt significare, origa-
num pingunt. abeunt enim formicæ herba hac posita in
loco quâ transeunt.*

Quid

Quid Scorpione & Crocodilo.

Inimicum inimico congressum significare uolentes, scorpionem & crocodilum pingunt. hi enim mutuo se interimunt. si autem alterum uictorem significant, qui ui delicet inimicum suum sustulerit, crocodilum pingunt, aut scorpionem. & si quidem eum qui propere occiderit: crocodilum pingunt. si uero eum qui tarde: scorpionem. est enim tardi incessus scorpio.

Quid Mustela significant.

Mulierem uiraginem cum uolunt significare, mustelam pingunt. hæc enim habet maris testiculum tanquam ossiculum.

Quid Porco.

Hominem perniciosum cum uolūt significare, porcum pingunt. talis est enim porci natura.

Quomodo Iram immensam.

Iram immensam adeo ut irato febrem incutiat uolentes significare, leonem pingunt catulos suos cauda flagellantem. & leonem quidem, ob iram: catulos uero flagellatos, quoniam horum ossa inter se collisa, ignem emittunt.

Quomodo senem Musicum.

Musicum senem cum uolunt significare, cygnum pingunt. hic enim senescens canit quam suauissime.

Quomodo Virum coēuntem cum uxore.

Virum coēuntem cum uxore cūm'uolunt significare, geminas cornices pingunt: hæc enim coēunt codem modo quo homines.

Quid

Quid significant Cantharum cæcum scribentes.

Hominem qui Solis ardore ualentinem contraxerit,
 & ob eam causam decesserit, cum uolunt significare, cantharum cæcum pingunt. hic enim radijs solaribus obcætus deficit.

Quid Mula significant.

Mulierem sterilem cum uolunt significare, mulam pingunt. hæc enim ideo est sterilis, quia matricem habet obliquam.

**Quomodo mulierem significant,
 quæ infantem fœminam
 pepererit.**

Mulierem quæ infantem fœminam peperit significare uolentes, taurum pingunt in sinistram partem respondentem, si uero marem, taurum iterum pingunt ad dexteram conuersum. Taurus enim post coitum si ad sinistram descendat, fœminam generasse creditur: si uero ad dextram, marem.

Quomodo Vespas significant.

Vespas cum uolunt significare, equi cadauer pingunt. ex huiusmodi enim cadauere plurimæ uestigia generantur.

Quomodo Mulierem quæ abortiuum fecerit.

Mulierem quæ abortiuum fecerit cum uolunt significare, equam scribunt quæ lupum presserit. Equa enim abortiuum facit non modo si lupum calcauerit, sed etiam si ipsius uestigia attigerit.

Quom

Quomodo Hominem Seipsum curantem ex oraculi responso.

Hominem ex oraculi responso seipsum curantem cum uolunt significare, picam pingunt lauri folium ore tenet. hæc enim cum ægrotum est, lauri folium in nidum immittit, & ita conualefecit.

Quomodo Multos culices.

Multos Culices prouenientes cum uolunt significare, uermes pingunt: ex his enim generantur Culices.

Quomodo Hominem non habentem per se bilem, sed ab alio commotum.

Hominem non habentem naturaliter bilem, uerum ab alio commotum cum uolunt significare, columbam pingunt arresta posteriora habente: in illis enim bili habet.

Quomodo Hominem tutè urbem habitantem.

Hominem tutè urbem habitantem significare uolentes, Aquilam lapidem portantem pingunt. illa enim lapidem unguibus eleuatum portat in suum nidum, ut illo depresso nidus firmiter maneat.

Quomodo Hominem debilem, qui alio inseguente aufugiat.

Hominem uiribus imbecillum, qui inseguentem aufugiat significare uolentes, otidem auem & equum pingunt. euolat enim illa uiso equo.

Quomodo Hominem ad proprium patronum confugientem, neq; adiutum.

Hominem ad proprium patronum confugientem, neq; adiu

adiutum cum uolunt significare, passerem & noctuam pingunt. passer enim aucupem fugiens, ad noctuam procurrit. apud quam eque tamen laborat.

Quomodo Hominem debilem, aufugientem tamen.

Hominem imbecillum aufugientem tamen cum uolunt significare, uestertilionem pingunt. uestertilio enim quamuis non habeat pennas, euolat tamen.

Quomodo Mulierem lactantem, & bene nutrientem.

* Vesperti= Mulierem lactantem & bene nutrientem significare uolentes, * turturem pingunt. ea enim ex uolatibus soladentes & mammae habet.

Quomodo Hominem saltatione gaudentem.

Hominem saltatione gaudentem & tibijs cum uolunt significare, turturem pingūt. capitur enim hæc ad tibijs & saltationem.

Quomodo Hominem mysticum.

Hominem mysticum significare uolentes, cicadam pingunt. hæc enim non ex ore obstrepit, uerum per scapulas sonum emittens edit dulce carmen.

Quomodo Regem solitarium, neq; errata miserantem.

Regem solitarium & qui lapsis nulla errata condonet cum uolunt significare, aquilam pingunt. hæc enim in locis solitarijs nidum habet, & altius quam cætera uolatilia uolat.

Quom

Quomodo Instaurationem diuturnam.

Instaurationē diuturnā significare uolentes, phœnicē auem pingunt. quādo enim hæc nascitur, instauratio fit rerum. nascitur autem hoc modo. cū moritura est phœnix, projicit seipsum ad terram. & ex projectionis impietu, uulnus accipit, ac ex cruro de illo uulnere nascitur alia phœnix. hæc autem postquam pennæ cōcreuerint, unā cū matre in Solis urbē, quæ urbs est in Aegypto, proficiuntur. illuc autē mater moritur statim ad ortū Solis. post cuius interitū redit pullus in propriā patriā, unde digressi fuerat. Sacerdotes autem Aegypti defunctā sepeliunt.

Quomodo Parentis amatorem.

Parentis amatorem significare uolentes, ciconiam pingunt. hæc enim à parentibus enutrita non separatur ab illis, uerum ad ultimam usq; senectutem permanens parentibus uictum sufficit.

Quomodo Mulierem, quæ uirum oderit.

Mulierem quæ uirum oderit, ac insidias illius uitæ tendat, & in coitu tantum adulantem cum uolunt demonstare, uiperam pingunt. ipsa enim in coitu mari iuncta os in os inserit. post coitum uero interimit, illius caput morsu amputans.

Quomodo Filios matri insidiantes.

Filios matri insidiantes cum uolunt significare, uiperam pingunt. hæc enim non ex naturali loco quemadmodum cætera animalia, uerum parentis utero rupto, sic in lucem prodit.

Quomodo Hominem in accusatione conuicijs confectum, ac languentem.

Hominem in accusatione conuicijs affectū ac languen-

tem significare uolentes, basilicum pingunt. ille enim uicinos sibi serpentes solo sibilo interimit.

Quomodo Hominem igne combustum.

Hominem igne combustum significare uolentes, salamandram pingunt. ipsa enim utroq; capite interimit.

Quomodo Hominem cæcum.

Hominem cæcum significare uolentes, talpam pingūt. hæc enim neq; oculos habet, neq; aliter uidet.

**Quomodo Hominem extra domum
se continentem.**

Hominem extra domum se continentem cum uolunt significare, formicam & pennam uestiglionis pingūt. huius enim alis ad nidum repertis, formica nō ingreditur.

**Quomodo Hominem sibijsi
damna dantem.**

Hominem sibijsi damna inferentem cum uolunt indicare, castorem pingunt. hic enim uenatoribus in sequentibus testiculos suos demorsens, abiectos relinquit.

**Quomodo Patrem, qui inuitus filio
hæreditatem reliquerit.**

Patrem qui inuiso filio hæreditatem reliquerit significare uolentes, simiam cum alia parua simia in sequenti pingunt. parit enim simia geminos, ex quibus unum diligit admodum, alterum uero odit. quem igitur amat, ore gestans interimit. quem uero odit, post se habet, ac illum reliquum nutrit.

**Quomodo Hominem suum dedecus
occultantem.**

Hominem suum dedecus occultantem cum uolunt significare.

gnificare, simiam pingunt. hæc enim cum urinat, urinam suam occulit.

Quomodo Hominem acutí auditus.

Hominem acuti auditus significare uolētes, caprā pin-gūt. hæc enim & auribus, & quadā parte gutturis audit.

Quomodo Instabilem.

Instabilem aliquem, neq; in eodem statu permanentem, uerum modo fortē & audacem, modo imbecillum & ti-midum, cum uolunt significare, hyænam serpentem pin-gunt. hæc enim modo mas, modo fœmina fit.

Quomodo Superiorem, ab infe- riore uiictum.

Superiorem ab inferiore uiictum significare uolentes, duas pelles pingunt : hyænae unam, alteram pardi. hæc enim pelles si simul ponātur, pardi quidem pilos abijcit, hyænae uero, non.

Quomodo Hominem, qui inimicum suum uicerit.

Hominem qui inimicum suum uicerit significare uo-lentes, hyænam ad dextram conuersam pingunt. uiictum autem indicantes, rursus hyænam ad sinistram cōuersam pingunt. ipsa enim inimico insequente, si ad dextrā par-tem se conuertat, interimit inimicum. si uero ad sinistrā, interimitur ipsa.

Quomodo Hominem iniectas sibi difficultates intrep-i-de ferentem.

Hominem iniectas sibi difficultates ad mortem usque intrepide ferentem significare uolentes, hyænae pellem

pingunt. si quis enim hyæna pelle succinctus, medios feratur in hostes, à nullo lœditur, & intrepide præterit.

Quomodo Hominem inimicum suum præuenientem.

Hominem inimicum suum præuenientem, ac minimo damno se à periculis eximentem cum uolunt significare, lupum pingunt extrema amputata cauda. hic enim cū iam sit à uenatoribus indagandus, pilos abijcit, & extremum caudæ.

Quomodo Hominem pericula ex occulto timentem.

Hominem ex occulto pericula timentem significare uolentes, lupum & lapidem pingunt. lupus enim neque ferrum timet, neque hastam, sed tantum lapidem, denique si quis lapidem proijciat, hoc uerum periculo comprobabit. & ex projectu lapidis uulnere facto gignuntur lupi uermes.

Quomodo Hominem igne castigatum.

Hominem igne castigatum, & hoc indicare uolentem, cum uolunt significare, leonem & faces pingunt. nihil enim magis timet leo, quam faces ardentes. neq; ulla alia re æque ac his domari creditur.

Quomodo Hominem ægrotum, ac seipsum curantem.

Hominem ægrotum ac seipsum curantem cum uolunt significare, leonem pingunt simiam uorantem. hic enim si febricitet, uorata simia conualescit.

Quom

**Quomodo Hominem nouissima
calamitate castigatum.**

Hominem nouissima calamitate castigatum significare uolentes taurū pingunt caprifico illigatum. hic enim cū mugit, si de caprificio ligetur, redditur mansuetus.

**Quomodo Hominem dubiæ
temperantiæ.**

Hominem dubiæ & instabilis temperantiæ significare uolentes, taurum pingunt genu dextrum ligatum. sic enim non coit. assumitur autem taurus semper ad temperantiam significandam: quippe qui post conceptum, fœminam non adeat.

**Quomodo Hominem oues, &
capras perdentem.**

Hominem oues & capras perdentem significare uolentes, animalia ipsa pingunt Conizam pascentia. hæc enim Conizam edentia moriuntur siti enecta.

Quomodo Hominem comedente=
mentem.

Hominem comedentem significare uolentes, Crocodilum pingunt os apertum habentem.

**Quomodo Hominem rapacem,
& pigrum.**

Hominem rapacem & pigrum significare uolentes, Crocodilum pingunt cum Ibidis penna in capite. hunc enim si Ibidis penna tangas, immobilem reddes.

Quomodo Mulierem semel tan=
tum enixam.

Mulierem, quæ semel tantum peperit cum uolūt signi
ficare

ficare, leānam pingunt. hæc enim non concipit secundo.

**Quomodo Hominem natum
deformem.**

*Hominem primo deformem natum, qui postea formo-
sus euaserit significare uolentes, ursam prægnantem pin-
gunt. hæc enim conuersum sanguinem ac duratum pa-
rit. Postea sotum digerit in suas partes, ac lingua lingens
perficit.*

**Quomodo Hominem fortē, &
conducentium indagatorem.**

*Fortem hominem ac utilium indagatorem significare
uolentes, elephantem pingunt cum proboscide. hac enim
ille olfacit, ac intercidentia consequitur.*

**Quomodo Regem Fugientem
insipientiam.**

*Regem insipientiam fugientem significare uolentes,
ceruum & arietem pingunt. fugit enim ceruus cum arie-
tem uidet.*

**Quomodo Regem nugatorem
Fugientem.**

*Regem, hominem multarum nugarum fugientem cum
uolunt significare elephantem pingunt cum sue. fugit e-
nim elephas audita uoce suis.*

**Quomodo Hominem celerem
quidem in cursu, sed sine
causa fugientem.**

*Hominem celerem in cursu, uerum sine causa fugien-
tem significare uolentes, ceruum & uiperam pingunt.
fugit enim ceruus uisa uipera.*

Quom

**Quomodo Hominem de sua sepul-
tura sollicitum.**

Hominem de sua ipsius sepultura curam habentem si=gnificare uolentes, ceruum pingunt suos ipsius dentes infodientem. sepelit enim ceruus, qui sibi exciderunt, dentes.

**Quomodo Hominem, qui ad iustum
ætatem uixerit.**

Hominem, qui ad legitimam ætatem uixerit, significa=re uolentes, cornicem pingunt. uiuit enim hæc centum Aegyptiacos annos. annus autē apud Aegyptios est qua tuor annorum.

**Quomodo Hominem malitiā
suam tegentem.**

Hominem malitiā suam tegentem, nec ab alijs cognosci permittentem, cum uolunt significare, pardum pingunt. uenatur enim pardus & insequitur cætera animalia ex occulto ac singillatim. nec pernicitatem suam cognosci sinit, ut minus caueant ab eo animalia, quæ inse=quitur ad pastum.

**Quomodo Hominem adulati=
tione deceptum.**

Hominem adulatioue deceptum significare uolentes, ceruum pingunt cum tibicine. demulcetur enim ceruus cantus modulamine: ac sic quodammodo oblitus sui capitur.

**Quomodo Præcognitionem abun=
dantis uindemiæ.**

Præcognitionem abundantis uindemiæ significare
c 3 uolen

uolentes, Vpupam pingūt. ipsa enim si canat antequam uolentes germinent, futura uini copia significatur.

Quomodo Hominem, cui uua pastus nocuerit.

Hominem cui comesta uua nocuerit, & qui ob id se ipsum curet significare uolentes, Vpupam pingunt, & Adiantum herbam. Vpupa enim uua pasta læsa, inuentum adiantum in os immittit, ac sic conualescit.

Quomodo Hominem cauentem sibi ab inimicorum insidijs.

Hominem sibi cauentem ab inimicorum insidijs cum uolunt significare, gruem uigilantem pingunt. grues enim seipsas custodiunt tota nocte per uices uigilias facientes.

Quomodo Pædicationem.

Pædicationem significare uolentes, geminos mares ex perdicibus pingunt. illi enim amissis fœminis inuicem coeunt.

Quomodo Senem inedia enectum.

Senem inedia enectum significare uolentes, aquilam pingunt cum curuato rostro. illi enim senescenti incurvant rostrum, & ea de causa inedia absunitur.

Quomodo Hominem inquietum semper, & iracundum.

Hominem inquietum semper & iracundum, ac nec quidem dum comedit quiescentem, cum uolū significare, cornicem cum pullis pingunt. Cornix enim dum pullos pascit, semper est in cursu.

Quom

Quomodo hominem cælestium gnarum.

Hominem cælestium gnarum significare uolentes, gruem uolantem pingunt. hæc enim ita alte uolat, ut nubes uideat & tangat.

Quomodo Hominem alienantem proprios liberos ob paupertatem.

Hominem alienantem proprios liberos ob paupertatem cum uolunt significare, aquilam prægnantem pingunt. illa enim parit tria oua. ex quibus eligit unum, duo reliqua frangit. hoc autem facit, quia tunc temporis ungues mutat. & hac de causa non potest tres eodem tempore pullos alere.

Quomodo Hominem tardum in mouendis pedibus.

Hominem tardum in mouendis pedibus significare uolentes, Camelum pingunt. ille enim solus ex alijs animalibus crura in eundo incuruat. & ex hoc habet appellationem.

Quomodo Hominem impudentem, & acuti uisus.

Hominem impudētem & acuti uisus significare uolentes, ranam pingunt. hæc enim sanguinem non habet nisi tantum in oculis. eos autem qui illic sanguinem habeant impudentes uocant. unde Homerus: ebrius, canis oculos habens, & cor cerui.

Quomodo Hominem, qui semouere nequeat.

Hominem qui multum tempus se mouere nequeat, postea

postea uero mouendi se uires consequatur, cum uolunt significare, ranam pingunt, pedes posteriores habentem. ranæ enim nascuntur sine pedibus, qui tamen procedente tempore subcrescant.

Quomodo Hominem omnibus inimicum.

Hominē omnibus inimicum significare uolētes, anguilam pingunt. hæc enim seorsum ab alijs piscipus degit. neque temere cum alijs inuenitur.

Quomodo Hominem seruantem multos in mari.

Hominem seruantem multos in mari significare uolentes, Nacram piscem pingunt. hic enim cum uiderit pisces defessos iam, nec amplius natare ualentest, præsto est illis ac seruat.

Quomodo Hominem, qui utilia & inutilia male consumperit.

Hominem qui utilia & inutilia male consumperit significare uolentes, polypum piscem pingunt. hic enim multum & intemperanter edens cibum congerit in caueam. & cum esui apta consumperit, abiicit, & reliqua inutilia.

Quomodo Hominem, hominibus sui generis imperantem.

Hominem hominibus sui generis imperantem significare uolentes, Carabum & polypum pingunt. superant enim Carabi polypos, ac primas tenent.

Quom

**Quomodo Hominem iunctum
mulieri.**

Hominem iunctum mulieri significantes, conchas pisces pingunt. ipsæ enim in conchis genitæ, paulo post in ipsis conchis mutuo iunguntur.

**Quomodo Hominem, qui seipsum
non curet.**

Hominem qui semet ipsum non curet, uerum à propinquis curetur, significare uolentes, concham & cancrum pingunt. adhæret enim cancer conchæ, & uocatur pinophylax, id est, conchæ custos. hiat autem concha cum esurit. in eam igitur hiantem cum pisciculus intrauerit, pungit cancer ungula concham. hæc uero admonita concham claudit, & hoc modo uenatur pisciculos.

**Quomodo Hominem cibum
euomentem.**

Hominem cibum euomentem, ac rursus immoderate comedentem significare uolentes, Musipulam aquaticum animal pingunt. hæc enim ex ore parit: postea uero natans fœtum deglutit.

Quomodo Hominem cum alienigenis coēuntem.

Hominem cum alienigenis coēuntem significare uolentes, Myrannam piscem pingunt. hæc enim è mari egressa uiperis admiscetur, ac statim ad mare recurrit.

Quomodo Hominem ob cædem punitum.

Hominem ob cædem punitum significare uolentes, turturem laqueo captam pingunt. hæc enim detenta abijcit

abijcit, quam habet in cauda spinam.

Quomodo Hominem aliena comedentem intemperanter.

Hominem aliena comedentem ac deinde sua consumenter significare uolentes, polypum pingunt. hic enim si desint sibi cibi, ex suis capillamentis edit.

Quomodo Hominem pulchra appetentem.

Hominem pulchra appetentem, ac pro his ultro mala subeuentem cum uolunt significare, Sepiam pingunt. hæc enim si uideat sibi insidias tendi, aquam turbat profuso ex aluo atramento, atque ita pescatorem fugit.

Quomodo Hominem libidinosum.

Hominem libidinosum significare uolentes, passerculum turrianum pingunt. Hic enim & ira concitus, & abundanti spermate uexatus, septies in hora coit, abundant sperma emittens.

Quomodo Hominem eundem tenorem uitæ seruantem.

Hominem eundem tenorem uitæ seruantem significare uolentes, lyram pingunt. hæc enim eundem sonum continuat.

Quomodo Hominem, qui ab insipientia resipuerit.

Hominem qui ab insipientia resipuerit, ac inde modum suæ uitæ habuerit significare uolentes, fistulam pingunt. hæc enim maxime conuertit ac retinet hominem, & in memoriam redigit ea quæ animo obsequens perpetrauerit. & habet hæc sonum maxime compositum.

Quom

Quomodo Hominem æqua=
le unicuique distri=
buentem.

Hominem æquale unicuique distribuentem significare
uolentes, strothocamili pennam pingunt. hoc enim ani=
mal habet undique alarum pennis æquales.

Quomodo Hominem la=
boriosum.

Hominem laboriosum significare uolentes, manum ho=
minis pingunt. hæc enim omnia opera perficit.

F I N I S.



